

Bashando vloer den e proximo dianan na MFA Noord

Orlando Hoevertsz: “Tur cos ta canando segun schedule”



ORANJESTAD – “Tur cos ta cana segun schedule y esaki ta wordo revisa y ahusta tur siman.” Ingeniero Orlando Hoevertsz ta sigui splica cu e trabao ta bayendo hopi bon. Tras di e plan y construcion di e MFA na Noord tin un ekipo cu ta sigui di cerca cada desaroyo pa percira cu tur cos cana nechi.

Satisfaccion

Como e arkitekto encarga cu e diseño Hoevertsz ta forma parti di e ekipo ey y satisfactoriamente ta indica cu trabounan “ta bayendo hopi bon.” Hunto cu Management Team di MFA y InfraTeam di Gabinete Mike Eman II, nan ta sinti semanalmente cu e contratistanan cu “ta haciendo un tremendo trabou,” na opinion di Hoevertsz.

Vloer ta na caminda

E contratista principal di e

proyecto, pa loke ta trata e fase di construcion, ta Bohama Aruba N.V. mientras cu e sub contratistanan ta Croon Caribe y Ro Tech y Arubaanse Wegenbouw Maatschappij ta haciendo un tremendo trabou. Actualmente tin apenas algun siman cu a cuminsa y ya ta den e parti di fundeshi cu ta nifica cobamento y maramento di hero. E arkitekto a splica cu e siman aki ta basha e rand prome y e siman despues lo basha e vloer. “E ta un combinacion di vloer y fundeshi. E parti mas hundo ta pa e columnanan di hero cu tin mester di un sosten mas fuerte.”

Cobamento di area

Tambe a duna di conoce cu na cuminsamento mester a coba full e area di construcion pasobra e tereno ta di klei y ta conoci cu esey no ta



un bon material di base pa e edificio. “Mester a cob’e mas cu un meter pa yen’e bek cu granit y cera bon y awo nos por traha riba e fundeshi solido eynan.” E parti visibel pa un y tur lo cuminsa den dos pa tres siman despues cu basha vloer. Mientras cu e piezanan di hero ta yega for di Hulanda, **lo cuminsa lanta bloki.**

Cooperacion

Tambe e comision a sinta cu Centro di Bario Noord y e



scol Chikitin Bin Bin pa tene cuenta cu e construcion,

pero tambe pa wak con por traha hunto den futuro. □